



...

أحد منفعذى رفع العلم على جسر الرئيس يروي ماحصل :

اتفقنا نحن والشباب انو نرفع علم الأستقلال و العلم الكوردي على جسر الرئيس يوم الأثنين الساعة 6:30 صباحاً بكرنا الوقت مشان ماحدا ينمسكالمهم توكلنا على الله وقرينا الفاتحة على نية التوفيق

كل الشباب عيروا موبايلاتهم عالساعة 5 ونص الصبح ...فقنا وتجمعنا بمحل الموعود...

ونحن بالسرفيس كل واحد عم يفكر اذا بتنظبط معو ولا لأ...

انا كنت عم فكر كيف بدي صور لان كل العبء بيكون على المصور مشان ياخذ لقطة حلوا للعملية
ونحن عم نحكي بالسرفيس قلي رفيقي : ليك اذا مايتصور منيح رح ؟؟؟؟؟؟؟...
قلتلوا : اذا هيك انا مآلي علاقة خود وصور وحل عني....
بصراحة هم كبير كيف رح أقدر صور قدام كل العالم بدون ما بينتبهوا علي....
وصلنا تحت الجسر الساعة 6 وربع تقريباً ..تفرقنا وكل واحد راح عمحلو يلي حددنالو ياه..

انا كنت مستتي من الشباب يلي بدن يحطوا العلم انن يعطوني علم قبل التنفيذ منشان بلش تصوير

الشباب طلعو عالجسر مشان يتفقو الوضع الأمني .وبعد ما تأكدوا من الوضع قريوا عالمحل يلي كنا متفقين
انو نحط العلم طبعا فوق كلمة _جسر المقبور حافظ الأسد_
وبهالحدة قرب مني شيبين وأطلعوا علي بنظرات أمنية ..فقلت بقلبي..ولـي...ولي .. انمسكت .. كيف رح انقد
حاولت اني بعد عنن عأساس عم أستنى السرفيس .ومشيت شوي شوي بدون مايلاحظوا لحتا قطعت الشارع ووقفت على
الرصيف وهون الشباب بلشو بشغلن ..ووقفوا عأساس عم يتفرجوا عالسيارات المارة تحت الجسر.....

طبعا هون هن من تحت تحت عم يعلقوا العلم على سور الجسر الحديدي بالجنزير و القفولة
هون انا بلشت التصوير وكنت حاطت الكاميرة تحت تيايبي ومطالع العدسة بس...
ولاحظت تحت الجسر وجود كلاب بشار عم يتطلعوا علي لأنني كنت واقف لحالي بمحل مو للوقفة..

طنشت هالشئ وحاولت انساهن وذكرت حالي كيف رح يكون شكلن وهن عم يشوفوا علم الاستقلال والعلم الكوردي عم يرفف
فوق رؤوسن

وبهالحظات يلي كنت عم فكر فيها الشباب الابطال خلصوا من القفل الأول وراحوا ليقفلو الجهة الثانية للجنزير
..مارح طول عليكم ..قفلو الجهة الثانية وفردوا العلمهون انا ما قدرت امسك حالي ويروح مني هيك لقطة تاريخية
فطالعت الكاميرة من بين تيايبي ورفعت ايدي وعملت ZOOM IN عالعلم وصورت شوي ...وبعدين بيجي دور الهريبة.....
قطعت الشارع ورحت عالجهة الثانية والشباب الطيبة عم تلاحقني وصلت عالحديقة يلي مساوينها جديد ...طلعت عالعلم شفتوا عم
يرفف وما أحلاه

ضليت شي 4 ثواني وانا عم اطلع وارجع لوار ...بصراحة ماشبعت منوا فطالعت الكاميرة وصورت الفيديو الثاني وكلات الاسد
عم تركض باتجاهي

الحمد لله ...مثل مايقولو الهريبة تلتين المرحلة ...هربت منن ضليت عم أركض لوصلت عجسر فكتوريا .لانو اذا مسكوني فرح
يروح تعب الشباب
عالفاضي ...

الحمد لله تمت العملية بنجاح و بقي العلم يرفف فوق جسر المقبور حوالي 20 دقيقة ...بعد ذلك أتت كلاب الأسد وحاولوا ان
يخلعوا العلم لكن لم يستطيعوا
لأننا ربطناه بالجنزير والأقفال ..وبعد محاولات مريرة قامو بتمزيق العلمين (اله يمزقهن هن وأسدهن)

ملاحظة :

اذا الحكومة الأسدية بدها المفتاح فخليهن يشوفو القفل .. هههه .. عنجد غبانكم يقتلنا .. هههه

لان خلينا المفتاح بقلب القفل

حركة شباب هنانو - دمشق şam - Tevgera xortên henano

2012-1-24

